



Syarat & Peraturan Peraduan	
Penganjur & Kelayakan	
1	PERADUAN JOM MENANG DENGAN NÉSCAFÉ ["Peraduan] dianjurkan oleh Nestlé Products Sdn. Bhd. [45229-H] ["Penganjur"] dan dibuka kepada semua penduduk sah Malaysia yang berusia 18 tahun dan ke atas pada 01/09/2016 [setiap seorang dan secara kolektif "Peserta"]..
2	Individu berikut tidak layak untuk menyertai Peraduan ini:
[a]	Kakitangan Penganjur [termasuk syarikat bersekutu dan berkaitannya] dan ahli keluarga terdekat mereka [suami/isteri, anak, ibu bapa, adik-beradik (dan suami/isteri mereka)]; dan/atau
[b]	Wakil, kakitangan, pekerja dan/atau ejen pembekal khidmat pengiklanan dan/atau promosi Penganjur [termasuk syarikat bersekutu dan berkaitan masing-masing] dan ahli keluarga terdekat mereka [suami/isteri, anak, ibu bapa, adik-beradik (dan suami/isteri mereka)].
3.	Penganjur berhak untuk mengecualikan dan/atau membatalkan kelayakan Peserta yang tidak termasuk dalam kategori Peserta dan/atau yang melanggar Syarat dan Peraturan Peraduan.

Tempoh	
1	Peraduan akan diadakan dari 01/09/2016 hingga 31/10/2016 ["Tempoh Peraduan"]. Penganjur berhak secara mutlak untuk mengubah, menangguh, menjadualkan semula dan/atau melanjutkan Tempoh Peraduan dan/atau membatalkan/menamatkan Peraduan pada bila-bila masa tanpa memberi notis terlebih dahulu.

Kriteria Kelayakan dan Penghantaran Penyertaan	
1	Untuk menyertai Peraduan, beli dua [2] mana-mana produk sedia diminum NÉSCAFÉ dari mana-mana kedai dalam Tempoh Peraduan. Sila rujuk kepada Jadual Bukti Pembelian ["Jadual BP"] yang ditunjukkan dalam borang penyertaan bagi produk turut serta dan BP yang diperlukan untuk menyertai Peraduan.
2	Peserta perlu melengkapkan setiap borang penyertaan dengan maklumat yang diperlukan dan membulatkan enam [6] jawapan yang betul dalam teka kata yang ditunjukkan dalam borang penyertaan (tidak termasuk contoh). Borang yang telah diisi dengan lengkap bersama dengan BP mesti dimasukkan dalam satu sampul surat dan dikirimkan melalui pos biasa ke alamat Peti Surat yang dinyatakan dalam borang penyertaan ATAU memberikan kepada NÉSCAFÉ <i>Brand Ambassadors</i> yang terdapat di pasaraya-pasaraya dan kedai-kedai di stesyen petrol yang turut serta. Penganjur tidak akan bertanggungjawab terhadap sebarang kiriman pos yang tidak diterima disebabkan tidak cukup setem pos atau alamat salah. Penyertaan yang diterima melalui khidmat penghantar surat, perkhidmatan kurier dan POS Laju ke alamat Peti Surat akan dibatalkan secara automatik. Bukti pos dan/atau penghantaran tidak boleh dijadikan bukti penerimaan oleh Penganjur.
3	Semua borang penyertaan yang diterima di luar Tempoh Peraduan akan dibatalkan secara automatik. Borang penyertaan yang tidak lengkap, tidak boleh dibaca dan/atau tidak tepat, penyertaan dengan jawapan salah, penyertaan dengan BP tidak betul dan/atau cacat akan dibatalkan. Sampul surat yang mengandungi berbilang penyertaan dan/atau BP akan dibatalkan. Salinan foto borang penyertaan diterima.
4	Semua borang penyertaan yang diterima oleh Penganjur sepanjang Tempoh Peraduan yang lengkap dengan butir-butir dikehendaki, BP dan jawapan betul, jika diluluskan oleh Penganjur, akan diberi nombor bersiri menurut Jadual BP berdasarkan BP yang dikemukakan [setiap satu dan secara kolektif "Penyertaan Layak"].

Hadiah Bulanan	
1	Terdapat dua [2] Hadiah Utama, sepuluh [10] Hadiah Ke-2 dan seratus [100] Hadiah Ke-3 serta lima ratus [500] Hadiah Sagu Hati untuk dimenangi sepanjang tempoh Peraduan.
2	<p>Nombor bersiri yang diperuntukkan bagi Penyertaan Layak setiap bulan akan disusun kira untuk memperoleh jumlah besar yang kemudian akan dibahagikan dengan:</p> <ul style="list-style-type: none"> • dua [2] untuk mendapatkan nombor bersiri kemenangan bagi Hadiah Utama, • lima [5] untuk mendapatkan nombor bersiri kemenangan bagi Hadiah Ke-2, • lima puluh [50] untuk mendapatkan nombor bersiri kemenangan bagi Hadiah Ke-3 • dua ratus lima puluh [250] untuk mendapatkan nombor bersiri kemenangan bagi Hadiah Sagu Hati. <p>Jika nombor mempunyai nilai perpuluhan, nombor bersiri kemenangan akan dibulatkan kepada nombor bulat paling dekat, lebih rendah yang dihasilkan daripada pembahagian tersebut.</p> <p><u>Sebagai contoh:</u> Jika jumlah nombor bersiri Penyertaan Layak bagi bulan pertama ialah 21689, maka 21689 akan dibahagikan dengan</p> <ul style="list-style-type: none"> • dua[2] yang bersamaan dengan 10844.5 yang seterusnya akan dibulatkan ke bawah kepada 10844. Peserta yang ditetapkan dengan nombor bersiri 10844 akan diisytiharkan sebagai Pemenang Utama bagi bulan pertama. • lima [5] yang bersamaan dengan 4337.8 yang seterusnya akan dibulatkan ke bawah kepada 4337. Nombor pengganda dalam kes ini ialah 4337. Lima [5] peserta yang ditetapkan dengan nombor bersiri dalam gandaan 4337 iaitu: 4337, 8674, 13011, 17348 dan 21685 akan diisytiharkan sebagai Pemenang Hadiah ke-2 bagi bulan pertama. • lima puluh [50] yang bersamaan dengan 433.7 yang seterusnya akan dibulatkan ke bawah kepada 433. Nombor pengganda dalam kes ini ialah. Lima puluh [50] peserta yang ditetapkan dengan nombor bersiri dalam gandaan 433 iaitu.: 433, 866, 1299, 1732 dan seterusnya akan diisytiharkan sebagai Pemenang ke-3 bagi bulan pertama. • dua ratus lima puluh [250] yang bersamaan dengan 86.7 yang seterusnya akan dibulatkan ke bawah kepada 86. Nombor pengganda dalam kes ini ialah 86. Dua ratus lima puluh [250] peserta yang ditetapkan dengan nombor bersiri dalam gandaan 86 iaitu: 86, 172, 258, dan seterusnya akan diisytiharkan sebagai Pemenang Hadiah Sagu Hati bagi bulan pertama.
3	Pemenang Hadiah Utama yang terpilih masing-masing akan memenangi sebuah Perodua Myvi 1.3 Standard G (A) (OTR) bernilai Ringgit Malaysia Empat Puluh Empat Ribu Dua Ratus Enam Puluh Dua dan Sen Lima Belas [RM44,262.15].
4	Pemenang Hadiah Ke-2 yang terpilih masing-masing akan memenangi sebuah Vespa S125 (2016) (OTR) bernilai Ringgit Malaysia Dua Belas Ribu Empat Ratus dan Enam Puluh Dua Two [RM12,462].
5	Pemenang Hadiah Ke-3 yang terpilih masing-masing akan memenangi Kad NÉSCAFE Touch n GO edisi khas dengan nilai yang sedia diisi sebanyak Ringgit Malaysia Seratus [RM100].
6	Pemenang Hadiah Sagu Hati yang terpilih masing-masing akan memenangi dua [2] Baucar Filem GSC bernilai Ringgit Malaysia Tiga Puluh Empat [RM34].
7	Peserta boleh memenangi hanya satu [1] Hadiah setiap bulan sepanjang Tempoh Peraduan. Jika peserta memenangi dua [2] atau lebih Hadiah dengan nilai berbeza pada bulan yang sama, Peserta akan secara automatik memenangi Hadiah yang bernilai lebih tinggi dan Hadiah yang bernilai lebih rendah akan dimenangi oleh nombor siri selepas nombor siri Peserta tersebut.

Liabiliti dan Tanggungjawab	
1	Semua Pemenang akan menerima pemberitahuan melalui pos. Penganjur tidak bertanggungjawab sekiranya pemberitahuan pos tidak diterima atau lewat diterima oleh Pemenang. Pemenang mesti mematuhi terma dan syarat yang ditetapkan oleh pihak yang mengatur dan/atau menyediakan semua Hadiah dan juga terma dan syarat yang disertakan bersama semua Hadiah berkenaan, jika ada. Semu hadiah mesti dituntut daripada Penganjur dalam masa tiga [3] bulan dari tarikh Hadiah disediakan untuk kutipan. Senarai pemenang akan diumumkan di laman web Penganjur [www.nestle.com.my].
2	Penggunaan hadiah yang disediakan oleh pihak ketiga adalah tertakluk kepada terma dan syarat pihak ketiga. Penganjur tidak bertanggungjawab dalam apa jua cara terhadap hadiah yang disediakan oleh pihak ketiga. Penganjur selanjutnya tidak menerima sebarang tanggungjawab terhadap tindakan pihak ketiga atau kegagalannya untuk bertindak.
3	Pemenang dan/atau warisnya hendaklah bertanggungjawab dan menanggung liabiliti sepenuhnya jika berlaku

	sebarang liabiliti, kejadian yang tidak diingini, kecederaan, kerosakan, tuntutan atau kemalangan [termasuk kehilangan nyawa] akibat mengambil bahagian dalam Peraduan, menuntut dan/atau menggunakan Hadiah dan bersetuju untuk melepaskan dan tidak mempertanggungjawabkan Penganjur daripada sebarang liabiliti.
4	Semua kos pengangkutan, penginapan, kos peribadi dan/atau sebarang kos, yuran dan/atau perbelanjaan lain yang berkaitan untuk menyertai Peraduan dan menuntut Hadiah adalah tanggungjawab Pemenang sepenuhnya.

Hak Penganjur

1	Penganjur berhak atas budi bicara mutlak untuk menyemak dan mengubah proses pemilihan Pemenang Hadiah yang terkandung di dalam ini pada bila-bila masa tanpa memberi notis terlebih dahulu. Keputusan pengadil adalah muktamad dan tiada surat-menyurat akan dilayan selepas itu.
2	Penganjur berhak, atas budi bicara mutlak, menggantikan mana-mana Hadiah dengan hadiah lain yang senilai dengannya, pada bila-bila masa, tanpa memberi notis terlebih dahulu. Hadiah tidak boleh dipindah milik dan semua hadiah diberikan dalam 'keadaan sedia ada' dan tidak boleh ditukarkan dengan wang tunai, kredit, barangan lain atau baucar, sama ada secara sebahagian atau sepenuhnya.
3	Dengan menyertai Peraduan ini, semua Peserta bersetuju dan memperakui bahawa semua hak milik intelektual padanya menjadi milik Penganjur dan setiap Peserta membenarkan Penganjur mengumpul, menggunakan, memproses dan/atau mendedahkan mana-mana dan semua maklumat peribadi Peserta termasuk tanpa terhad kepada nama, gambar atau imej Peserta untuk tujuan Peraduan, termasuk aktiviti pengiklanan, publisiti, pemasaran dan promosi yang dijalankan dengan cara yang dianggap sesuai oleh Penganjur, dalam mana-mana media dan tanpa pampasan, pemberitahuan atau kebenaran tambahan, dan sebarang aktiviti sampingan lain yang berkaitan dengan Peraduan. Pemenang tidak berhak membuat tuntutan pemilikan atau mendapat sebarang bentuk pampasan untuk bahan tersebut.

Notis Privasi

1.	Dengan menyertai Promosi, anda telah bersetuju Nestlé Products Sdn. Bhd. dan mana-mana syarikat pegangan, subsidiari atau berkaitannya sebagaimana yang ditakrifkan dalam Akta Syarikat 1965 ("Kumpulan Nestlé Malaysia") dan pembekal-pembekal perkhidmatan, ejen-ejen dan kontraktor-kontraktor yang memberikan sokongan pentadbiran dan perniagaan kepada kami dan bertindak bagi pihak kami ("Pihak-Pihak Ketiga Lantikan") (secara kolektif "Penganjur" atau "kami") untuk memproses maklumat peribadi anda yang dikemukakan dalam borang penyertaan bagi tujuan Promosi. Ini termasuk mendedahkan nama anda kepada masyarakat umum apabila anda menjadi pemenang dalam sesuatu pertandingan atau menyertai acara kami dengan menerbitkan nama, gambar-gambar dan lain-lain maklumat peribadi anda tanpa pampasan untuk tujuan pengiklanan dan publisiti.
2.	Penganjur juga boleh menggunakan maklumat peribadi anda bagi tujuan menghubungi dan menghantar maklumat atau bahan-bahan pemasaran dan promosi mengenai produk kami, perkhidmatan, apa-apa promosi, acara atau pertandingan yang dianjurkan oleh Penganjur. Sila nyatakan pilihan anda pada borang sekiranya anda bersetuju kepada penggunaan maklumat peribadi anda bagi tujuan ini.
3.	Sekiranya anda bersetuju untuk berkongsi dan mendedahkan maklumat peribadi seseorang yang anda berhasrat untuk merujuk kepada Penganjur, anda mengakui bahawa anda telah mendapatkan persetujuan daripada individu tersebut untuk berkongsi dan mendedahkan maklumat peribadinya kepada kami dan untuk dihubungi oleh kami.
4.	Berkenaan dengan golongan bawah umur atau individu-individu yang tidak layak di bawah undang-undang untuk memberi kebenaran, anda mengesahkan bahawa mereka telah melantik anda untuk bertindak bagi pihak mereka dan untuk bersetuju bagi pihak mereka kepada pemprosesan maklumat peribadi mereka selaras dengan Notis Privasi ini.
5.	Pada masa tertentu Penganjur mungkin melantik Pihak-Pihak Ketiga Lantikan untuk memproses maklumat peribadi anda. Semua Pihak-Pihak Ketiga Lantikan adalah terikat secara kontrak untuk mengambil langkah-langkah yang sewajarnya untuk menyimpan maklumat dengan selamat dan tidak menggunakan maklumat peribadi anda dalam apa jua cara selain daripada yang dinyatakan di sini dan dalam Polisi Privasi kami di http://www.nestle.com.my/info/privacy_policy .
6.	Pihak Penganjur adalah sebuah syarikat global dan maklumat peribadi anda mungkin akan dipindahkan merentasi sempadan. Penganjur akan memastikan bahawa data anda hanya akan dipindahkan ke negara yang mempunyai tahap undang-undang perlindungan data yang sama atau setara, seperti yang dinyatakan dalam

	Polisi Privasi kami di http://www.nestle.com.my/info/privacy_policy .
7.	Setakat mana undang-undang terpakai membenarkan, anda mempunyai hak untuk meminta akses kepada, meminta salinan, meminta untuk mengemaskini atau membetulkan, data peribadi anda yang disimpan oleh kami. Semua permintaan atau pertanyaan bertulis anda hendaklah dialamatkan kepada: Nestlé Products Sdn. Bhd., 22-1, Tingkat 22, Menara Surian, No. 1, Jalan PJU 7/3, Mutiara Damansara, 47810 Petaling Jaya, Selangor. Atau Borang Web : https://www.nestle.com.my/contactus . Atau Hubungi kami : 1-800-88-3433.
8.	Sila ambil perhatian bahawa Penganjur memerlukan maklumat peribadi anda untuk memproses penyertaan anda dalam Promosi, dan tanpa maklumat yang diperlukan, kami tidak akan dapat memproses permohonan anda.
9.	Untuk penerangan terperinci mengenai amalan privasi kami, sila rujuk kepada Polisi Privasi kami di http://www.nestle.com.my/info/privacy_policy . Kami berhak untuk mengemaskini dan meminda Notis Privasi ini atau Polisi Privasi kami dari semasa ke semasa.

Terma & Syarat	
1	Gambar Hadiah yang ditunjukkan dalam borang Peraduan adalah untuk tujuan ilustrasi sahaja dan mungkin berbeza daripada hadiah sebenar.
2	Syarat dan Peraturan Peraduan disediakan dalam beberapa bahasa. Sekiranya terdapat perkara yang tidak konsisten antara mana-mana versi Syarat dan Peraturan Peraduan, versi Bahasa Inggeris yang dipaparkan di laman web Penganjur hendaklah diguna pakai.
3	Syarat dan Peraturan Peraduan dan kaedah penyertaan Peraduan boleh dipinda dari masa ke masa dan akan diguna pakai berbanding sebarang peruntukan atau pernyataan yang terkandung dalam mana-mana bahan promosi atau pengiklanan lain bagi Peraduan. Peserta amat dinasihatkan supaya melayari laman web Penganjur dari masa ke masa untuk memastikan mereka menyedari sebarang perkembangan dan perubahan yang dibuat.
4	Dengan menyertai Peraduan ini, Peserta bersetuju untuk mematuhi dan terikat kepada Syarat dan Peraturan, serta keputusan Penganjur.